



Isalathiso: 20170405-9754  
4/4/3/R  
Imibuzo: HC Burger

INGcaciso eMfutshane yeCandelo loLawulo lweMicimbi yezeMali: 0004/2017

Iya: KumaSekela Balawuli-Jikelele, kuBalawuli abaziiNtloko, kuBalawuli (KwaNdlunkulu nakwii-ofisi zezithili), kwiiNtloko zawo onke amacandelo namacandelwana, nakubasebenzi bemicimbi yezemali

**Isihloko: Ukuqaliswa kosetyenziso lwesistim yentlawulo ngekhompyutha  
i-Supplier Invoice Tracking System (SITS)**

1. Injongo yale ngcaciso imfutshane, ekhutshwe ngokwesiqendu 38 (1)(a)(i) soMthetho woLawulo lweMali kaRhulumente (*Public Finance Management Act*), ka-1999 (uMthetho l ka-1999), njengoko ufakelwe izilungiso, kukuba:
  - (a) kuqaliswe ukusebenzisa isistim entsha i-*automated Supplier Invoice Tracking System (SITS)* eya kuthatha indawo ye-*Manual Invoice Registers* (ngaphandle kwakwiimeko ezikhethekileyo) ukususela ngomhla wokusayinwa kwale ngcaciso ;
  - (b) ithathe indawo yoMyalelo woLawulo lweMicimbi yezeMali 0004/2012 ngokwendlela ekubhalwe ngayo kule ngcaciso imfutshane;
  - (c) inike isixhobo sokuqinisekisa ukuthotyelwa koMmiselo weOfisi kaNondyabo (*Treasury Regulation*) u-8.2.3;
  - (d) inike indlela yokubhalisa, ukulandelela, ukubeka esweni nokunika ingxelo ngazo zonke ii-invoyisi ezifunyenweyo;
  - (e) yenze luqilima imeko yezolawulo;
  - (f) inciphise ilahleko ngenxa yeentlawulo eziphindwayo;
  - (g) iphucule ukwenziwa ngokukhawuleza kwee-invoyisi ukuhlangabezana neentlawulo ngekhompyutha kwanokuqinisekisa ukuba ababoneleli-nkonzo bahlawulwa zingadlulanga iintsuku eziyi-30; yaye
  - (h) iphucule indlela yokunika ingxelo yemali kwii-*Accruals* nakwii-*Payables*.

2. Ukusetyenziswa kwe-*Manual Invoice Registers*, njengokuba isetyenziswa ngoku liSebe leMfundo leNtshona Koloni (iWCED) ukubhalisa ii-invoyisi nokulawula iintlawulo eziya kubaboneleli-nkonzo (*suppliers*), yisistim ecothayo nekuye kuthi ngenxa yoko kufuneke ukuba yenziwe ngekhompyutha (*automate the system*) ukuphucula ukusebenza ngempumelelo, ubuchule nokunika ingxelo ngemali. Isistim yasekhompyutheni i-SITS yenzelwe yaphuhliselwa ukuqinisekisa ukuthotyelwa kwemigqaliselo yezomthetho, imigaqo-nkqubo kwaneenkqubo ezithile.
3. Kwisistim ye-SITS kungenwa nge-WCED's *Enterprise Content Management System (ECM)* yaye kunokungenwa kuyo ngokulandelayo:
  - loga ku-ECM "MyContent" nge-user credentials (usebenzisa iinkcukacha zomsebenzisi osemthethweni; uze
  - uklikhe ku-"MyInvoice Tracking" ku-"Home" tab.
4. Le theyibhile ingezantsi ibonisa ukutshintsha ukusuka kwisistim ebhalwa ngesandla i-current manual system ukuya kwi-automated system:

<b>Inkqubo ngesandla ebhalwa</b>	<b>Abenza umsebenzi</b>	<b>I-automated system kwi-ECM</b>	<b>Abenza umsebenzi</b>
Incwadana i- <i>Manual Invoice Register</i>	Yi-Ofisi ejongene neeNtlawulo	Isistim i- <i>Automated Supplier Invoice Tracking System</i>	Ngabo bonke abantu obabandakanyeka kumjikelo wenkqubo yentlawulo
Isatifikethi sentlawulo eyenzeka emva kwexesha (isiHlomelo D) esibhalwe ngesandla nge-invoyisi nganye engahlawulwanga ngexesha elimiselwe ukungadluli kwiintsuku eziyi-30	Yi-Ofisi ejongene neeNtlawulo	Isatifikethi sentlawulo eyenzeka emva kwexesha (isiHlomelo D) esenziwa ekhompyutheni ngoko nangoko ( <i>automatically</i> ) nge-invoyisi nganye engahlawulwanga ngexesha elimiselwe ukungadluli kwiintsuku eziyi-30	Ngamagosa ajongene neentlawulo ezenzeka emva kwexesha  Yi-Ofisi ejongene neeNtlawulo eyenza isatifikethi sentlawulo eyenzeka emva kwexesha (isiHlomelo D)
lingxelo zemali ezinxulumene neentlawulo ezenziwa zingadlulanga iintsuku eziyi-30 zeentlawulo (ezihlawulweyo/ ezingahlawulwanga) ezibhalwa ngesandla ukwenzela amathuba okunika ingxelo	LiCandelwana i- <i>Batch &amp; Loss Control</i> , iCandelo loLawulo lweMicimbi yezeMali ( <i>Directorate: Financial Accounting (DFA)</i> )	lingxelo zeMali ezinxulumene neentlawulo ezenziwa zingadlulanga iintsuku eziyi-30 (ezihlawulweyo/ ezingahlawulwanga) ezenziwa ekhompyutheni ngoko nangoko ngethuba lokunika ingxelo	LiCandelwana i- <i>Batch &amp; Loss Control</i> , leCandelo i-DFA  lingxelo ngezinxaxhi zinikwa liCandelwana i- <i>Batch &amp; Loss Control</i> , kwiCandelo i-DFA zisiya kuBaphathi ukwenzela ukuba

<b>Inkqubo ngesandla ebhalwa</b>	<b>Abenza umsebenzi</b>	<b>I-automated system kwi-ECM</b>	<b>Abenza umsebenzi</b>
			kuthathwe amanyathelo okulungisa iimposiso
Incwadana i- <i>Manual Invoice Register</i> esetyenziselwa ithuba lokunika ingxelo eliphela nge- 31 Matshi 2017	Yi-Ofisi ejongene neeNtlawulo	I-SITS isebenza ukuqala ngomhla wokusayinwa kwale ngcaciso	Ngabo bonke abantu obabandakanyeka kumjikelo wenkqubo yentlawulo
Ukungqinelanisa ingxelo i-KITSO kunye nezatifikethi zeentlawulo ezibhalwa ngesandla zasemva kwexesha (isiHlomelo D) nezokuqala ngqa	LiCandelwana i- <i>Batch &amp; Loss Control</i> , leCandelo i-DFA	Ukungqinelanisa ingxelo ye-KITSO nezatifikethi zesiHlomelo D ezenziwe yisistim neengxelo zingadlulanga iintsuku eziyi-30 ngezinxaxhi ezenziwe kwi-SITS	LiCandelwana i- <i>Batch &amp; Loss Control</i> , leCandelo i-DFA)  lingxelo ngezinxaxhi zinikwa liCandelwana i- <i>Batch &amp; Loss Control</i> , kwiCandelo i-DFA zisiya kuBaphathi
Ukubala ngentloko ukwenza iingxelo (kuhlawulwe zingadlulanga iintsuku eziyi-30/ akuhlawulwanga) ezithunyelwa kwi-Ofisi kaNondyobo yePhondo ungadlulanga owe-10 ngenyanga nganye	LiCandelwana i- <i>Batch &amp; Loss Control</i> , iCandelo i-DFA)	Ukubala ngekhompyutha ukwenza iingxelo (kuhlawulwe zingadlulanga iintsuku eziyi-30/ akuhlawulwanga) ezithunyelwa kwi-Ofisi kaNondyobo yePhondo ungadlulanga owe-10 ngenyanga nganye	LiCandelwana i- <i>Batch &amp; Loss Control</i> , leCandelo i-DFA

5. I-SITS iquka i-*automated centralised online Supplier Invoice Register* edibanisa indlela yokwenziwa komsebenzi ekhompyutheni elungiselelwe abasebenzisi abaninzi apho uklikha khona iqhosha.

6. Imisebenzi ye-SITS iquka oku kulandelayo:
  - (a) Ubhaliso lwe-invoyisi
  - (b) Ubhaliso lwenowuthi yekhredithi
  - (c) Ubhaliso lwezixa-mali ezityalwayo (*negative amounts*) kwi-invoyisi
  - (d) Ukufaka ekhompuyutheni ingcaciso ngee-invoyisi ezingangqinelaniyo
  - (e) Ukufaka ingcaciso entsha kwinkqubo yentlawulo yee-invoyisi nokuthunyelwa komsebenzi ngekhompuyutha (*electronic workflow routing*)
  - (f) Ukubekwa esweni kokuba "seMpilweni" kobume be-invoyisi
  - (g) Ukuqhagamshelanisa iinowuthsi zekhredithi nee-invoyisi ukungqinelanisa iincwadi
  - (h) Ukuhlaba (*cancelling*) inkqubo yentlawulo yee-invoyisi
  - (i) Ukubuyisela kwakhona inkqubo yentlawulo yee-invoyisi
  - (j) Ukusebenza kwenkqubo yokukhangela ingcaciso ekhompuyutheni
  - (k) Iideshibhodi – iingxelo ezichaziweyo kusetyenziswa imifanekiso
  - (l) Ukwenza iiNgxelo-mali neeNkcukacha-manani
  
7. I-SITS inika olu ncedo lulandelayo:
  - (a) Inciphisa ukwenziwa kwemisebenzi ecothayo ngesandla
  - (b) Iphelisa iirejista ezibhalwa ngesandla ezithunyelwa kwiWCED iphela
  - (c) Iphucula ucazululo lwengcaciso, ukwenza izigqibo nokunika ingxelo
  - (d) Iphucula imeko yezolawulo, umz. ukwahlukaniswa kwemisebenzi nokuthotyelwa kwemimiselo
  - (e) Ibeka esweni ukhulawulwa kweekhreditha (*creditors*) zingadlulanga iintsuku eziyi-30 ifunyenwe i-invoyisi
  - (f) Inika idatha yemisebenzi eyenziwayo yesebe; yaye
  - (g) Iqwalasela indlela yokuthunyelwa nokungena kwee-invoyisi
  
8. Igosa elibandakanyeka kwinkqubo yentlawulo kuya kufuneka ukuba:
  - (a) libhalise zonke ii-invoyisi ezithunyelwe ngekhompuyutha kwi-SITS
  - (b) lirekhode iinombolo zezalathi ezifana zodwa (*unique SITS reference number*) ze-SITS kwi-invoyisi
  - (c) lizalise inyathelo elithathwa yinkqubo ebhalwa ngesandla ligosa elijongene noko
  - (d) lifake ingcaciso entsha kwinkqubo yentlawulo eyenziwa ligosa elinoxanduva loko ekhompuyutheni kwi-SITS lize lithumele ngekhompuyutha inyathelo lokwenziwa komsebenzi ekhompuyutheni usiya kwigosa elilandelayo (*route workflow step*) elijongene noko kwinkqubo yentlawulo
  - (e) liqiniseke ukuba inkqubo ebhalwa ngesandla iyangqinelana ne-SITS; yaye
  - (f) libeke esweni yaye lilandelele intlawulo ye-invoyisi lize lithathe amanyathelo okulungisa iziphene xa kuyimfuneko.
  
9. Kuya kunikwa uqeqesho kuwo onke amagosa akwaNdlunkulu nawee-ofisi zezithili achaphazelekayo.

10. Izicelo zolunye uqeqesho okanye zoncedo lobugcisa mazibhekiswe kwii-SITS *Operations Administrators* eziphantsi kolawulo lweCandelwana i-*Batch and Loss Control* kwiCandelo loLawulo lweMicimbi yezeMali (*Directorate: Financial Accounting*):

Mnu Hein Burger (ifoni 021 467 2188 okanye nge-imeyili [Hein.Burger@westerncape.gov.za](mailto:Hein.Burger@westerncape.gov.za))

Nks Azra Domingo (ifoni 021 467 2061 okanye nge-imeyili [Azra.Domingo@westerncape.gov.za](mailto:Azra.Domingo@westerncape.gov.za))

Mnu Mfundiso Nkente (ifoni 021 467 2885 okanye nge-imeyili [Mfundiso.Nkente@westerncap.gov.za](mailto:Mfundiso.Nkente@westerncap.gov.za))

11. Onke amagosa makabe nolwazi lokuba kukho iintlawulo ngekhompyutha ezicwangcisiweyo (*scheduled payment runs*). Le nyaniso mayifakwe kwisicwangciso sokwenza umsebenzi (*operational planning*) ngentsebenziswano nomboneleli-nkonzo, yaye mayingasetyenziswa njengesizathu sokungamhlawuli umboneleli-nkonzo zingekadluli iintsuku eziyi-30 ezabelwe oko.

12. Khon' ukuze kulungiselelwe yaye kwenziwe lula ungqinelaniso phakathi kweesistim ezisebenzisanayo kubalulekile ukuba ingcaciso efakwe kwisistim yeentlawulo echaphazelekayo nee-SITS zingqinelane yaye zibe zezichanekileyo, umzekelo, umhla wokwenziwa kwe-invoyisi ncakasana nomhla wokufunyanwa kwe-invoyisi evunywe ngokusemthethweni.

13. Iisistim i-SITS *User Manual* ne-*Administrator Maintenance Manual* ziyafumaneka kwi-SITS phantsi kwe-“HELP” menu.

14. Inqubo ekwinqanaba eliphezulu lolawulo lwe-SITS ichaziwe apha ngezantsi:

<b>UMnini weSistim – nguMlawuli oyiNtloko wezeMali (Financial Management)</b>				
<b>UMlawuli weSistim – nguMlawuli weCandelo leMicimbi yezeMali (Financial Accounting)</b>				
<b>UMlawuli wezoKwenziwa koMsebenzi eKhompyutheni (Operations Administrator) – kwiCandelo leMicimbi yoLawulo lwezeMali (Batch and Loss Control)</b>				
Itheyibhile i-Supplier Master Table	Itheyibhile i-SITS User Table	Itheyibhile i-SITS User Authorisation Table	Itheyibhile i-BAS Capture Dates Table	Itheyibhile i-SITS Delegation Table

15. Ukungathotyelwa koMmiselo weOfisi kaNondyabo u-8.2.3 kudala ilahleko eninzi kwi-WCED, kuquka nokudala umfanekiso ongancomekiyo ngeWCED. Ulibaziseko lweentlawulo kwakhona luchaphazela kakubi ukuhlawulwa kwemali ababoneleli-nkonzo, yaye ubukhulu becala luchaphazela ukuba nako kwababoneleli-nkonzo abasakhulayo ukuzisa iimpahla neenkonzo.

16. Iya kuthakazelelwa kakhulu intsebenziswano yakho malunga noku ukuqinisekisa ukusasazwa kakhulu nokuqaliswa kokusetyenziswa kwale nkqubo.

**ISAYINWE:** NGU-LJ ELY

**USEKELA MLAWULI-JIKELELE WECANDELO LEZEMALI**

**UMHLA:** 2017-05-05